

ԼՂԻՄ. ԼԱՐՎԱԾՈՒԹՅՈՒՆԸ ՊԱՀՊԱՆՎՈՒՄ Է

ՏԱՍՍ-ի վերջին հաղորդագրությունը, թեպետև ընդհանուր գծերով, ամբողջապես արտացոլել է իրադրության լարվածության աստիճանը Լեռնային Ղարաբաղի Ինքնավար Մարզում, որն այս օրերին հայտնվել է շրջափակման մեջ: Բերենք հակաօրինական գործողությունների բազմաթիվ օրինակներից միայն մեկը: Օգոստոսի 12-ի լույս 13-ի գիշերը Ադդամ-Ստեփանակերտ ուղեմասում անհայտ անձինք կիրառել են պայթուցիկ սարք, որից վնասվել է երկաթգիծը: Դրա հետևանքով մարզը չի կարողացել ժամանակին ընդունել պարեն, շինանյութեր և

համակցված կեր քերող 15 վագոն: Միաժամանակ մարզային կենտրոնից սպառողներին չի առաքվել տարբեր ժողովրդատնտեսական բեռներով լի շուրջ 20 վագոն: Ադդամի կայարանում երկար մնաց Բաքու-Ստեփանակերտ մարդատար գնացքը: Պողպատե մայրուղին վերականգնվեց մոյս օրը: Տվյալ փաստի առընչությամբ քրեական գործ է հարուցվել: Հատուկ շրջանի պարետությունը միջոցներ է ձեռնարկում այսուհետև նման քայլերը բացառելու համար:

Լեռնային Ղարաբաղի հարցի շուրջը ծավալված վիճարանությունում Ադրբեջանական ԽՍՀ-ի մասսայական լը-

րատվության միջոցները ավելի ու ավելի հաճախ են կոչանում, որպես կանոն, հայկական կողմին, հարգանքով վերաբերվել երկրի հիմնական օրենքին: Սակայն անհասկանալի է, ԽՍՀՄ սահմանադրության ո՞ր հոդվածի և երկրի Գերագույն խորհրդի նախագահության ո՞ր հրամանագրի համաձայն է իրականացվում ինքնավար մարզ տանող ճանապարհների շրջափակումը, որտեղ առանց այդ էլ սահմանված է կառավարման հատուկ ձև: Նման, ուղղակի սուեմք, սոցիալիստական հասարակությանը անհարիր գործողությունները ինչպես են համա-

տեղվում ԼՂԻՄ-ի իրավիճակը առողջացնելու և ադրբեջանական ու հայկական կողմերի փոխըմբռնում հաստատելու ձգտման հետ: Մարդկային բարոյականության ո՞ր չափանիշներից ելնելով է իրականացվում Լեռնային Ղարաբաղի հայերի արհեստական մեկուսացումը միութենական (համընդհանուր) հիմքից, որտեղ ապրում են նրանց հայրենակիցները և որին պատուհասել է ամբողջ աշխարհը ցնցած տափերային աղետը: Ղարաբաղցիների համար դժվար է գտնել այս հարցերի պատասխանները:

Ա. ԳՐԻԳՈՐՅԱՆ

(Արմենպրեսի սեփ. թղթ.)

Ստեփանակերտ